



Peter Olsen
Inatsisartunut ilaasortaq, Inuit Ataqtigiit

Nunanut allanut unammisartut sulingiffeqartarnerat pillugu § 37 naapertorlugu apeqqummut nr. 5-imut - akissuteqaat.

20-01-2020
Suliap normua
All. nr. 10941081

Asasara Peter Olsen,

Postboks 1029
3900 Nuuk
Oqarasuaat : +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfignissavakka.

1. *Nunanut allanut unammisartut, katersuunnerminni aammalu nunanut allanut unammiaortnerminni sulingiffeqarnissaraluaminnik annaasaqartarunnaarnissaat pillugu inatsisiliortoqassagaluarpas;*
 - A. *Inatsisitigut suut akornutaasinnaappat imlt. aporfiusinnaappat?*
 - B. *Allaffissornikkut suut akornutaasinnaappat imlt. aporfiusinnaappat?*
 - C. *Suleriaatsikkut suut (procedure) akornutaasinnaappat imlt. aporfiusinnaappat?*
2. *Inatsisiliortoqassagaluarpas tamanna;*
 - A. *Nunatta karsianut qanoq naleqassagaluarpa?*
 - B. *Namminersorlutik suliffiuteqartunut aningaasaqarnikkut qanoq naleqassagaluarpa?*

Apeqqutit ataatsimoortumik ataani akineqarput.

Inatsisartut konto pingaarnermut 40.94.13-imut aningaasaliissut ilaat Timersornermut tapiissutinut (Tapiissutinut aningaasaliissutit) immikkut atugassiissutiginiuuat, Kalaallit Nunaat sinnerlugu nunanut allanut unammisartut pikkorinnerit unamminernut peqataanissaannut atatillugu sulineranut annaasanut tapiissuteqarnissaq pillugu qinneqaatit akuerisarnissaat angujumallugu. Aaqqissuussinerup taassuma ukiuni 20-it missaanniittuni nunanut allanut unammisartut namminneq ullut sulingiffeqarfissatik atunngikkaluarlugit, unamminernut taama ittunut peqataasarnerat periarfississimavaa. Matumani soorunalimi sulisitsisut ataasiakkaat akuersinerannik aallaaveqartarpoq. Aaqqissussami piumasagaataavoq nunanut allanut unammisartut, sulineranut atatillugu annaasat matuneqarnissaannik qinnuteqartut, nunanut allanut unammineqataaeranut atatillugu isertitaminnik annaasaqarnertik uppersaasarsinnaassagaat.

Naalakkersuisut taamaammat naliliippat, inatsisiliorniarluni suliniuteqarnissaq pisariaqanngitsaq tassa pisariaqartitsineq maannakkut aaqqissuussap matussuserermagu.

Naalakkersuisut periarfissaq iluatsillugu, nunatsinni timersortartut qanoq iliorlutik nunanut allanut unammisartutut qaffasitsigisumik sungiusaqatigiittarnermikkut periarfissagissaarnerulernissaannik takussutissiisussa q misissuineq

allartinneqarsimammatt ilisimatitsissutigissavaat. Misissuineq misissueqqisaarnermik
suliaqartartumit avataaneersumit ingerlanneqassaaq tamannalu pillugu nalunaarusiaq
Inatsisartut tullissaanik ataatsimiinnissaanni agguanneqassasoq
naatsorsuutigineqarpoq.

Inussiarnersumik inuulluaqqusillunga


Ane Lone Bagger